


ÆSOPI PHRIGIS  
FABVLÆ, VERSIBVS DE-  
scriptæ, exque Horatio partim decer-  
ptæ, partim per Alanum expressæ, recens-  
que auctæ, atq; emendatæ per Humif.

Roydonnum φιλάτρον Art.  
Magistrum.



LONDINI,  
Excudebat H. Iaksoni.  
1596.



3

ÆSOPI PHRIGIS  
FABVLÆ, VERSIBVS DE-  
scriptæ, exque Horatio partim decer-  
pta, partim per Alanum expressa, recens-  
que auctæ, atq; emendatæ per Humf.

*Roydonum φιλιάρχου Art.*  
Magistrum.

1. Gallus.

**D**VM rostro pedibusq; finum subuertit  
ut escam  
Quæritet: inuenta Iaspide Gallus ait.  
Te sitit auisificum cœtus: te sceptrâ re-  
quirunt.

*Probitas  
laudatur  
& alget.*

Sceptrâ colas Iaspis te quia sceptrâ colunt.  
Plus mihi ruris opes vrbs tibi copia præstat  
Plus quia grana placent plus tibi sceptrâ valent.  
*Stultitiam Gallus, diuina oracula Iaspis  
Insinuat. Fatuum nil sapit ista seges.*

2. Agnus & Lupus.

**I**Mproba sors agnum fluuio desponderat imo  
Cuius erat summo margine præstò lupo.  
Obijcit insidias turbataque pocula fontis  
Obijcit, & pecudi conscia bella lupo.  
Nec satis indignè est, misero obrestante reclamatione  
Hæc lupo. An loqueris furcifer? & laniat.  
*Infelix pecus atque impar congressus atroxque  
Nex pecudum. Hos videas qualibet vrbe lupos.  
Nam facile arripere est causas ubi tela minaris  
Arripere. Hoc facile est perdere fuisse canem.*

3. Mus & Rana.

**M**Vris iter prohibente lacu venit obuia muri  
Rana loquax. Inopem pacta iuuare nocet.



Al.

Omne genus pestis superat niens dissona verbis :  
 Dum sentes animi florida lingua regit.  
 Rana datis pedicis ponto se mergere. Vix mus  
 Emerſit. Vires contulit ipſe timor.  
 Miluus adest: vinctumq; duci rapit vngue clientem:  
 Dux ſequitur: pœnas duxque cliẽsque dabant.  
*Vt caueant qui ſe prodeſſe fatentur & obſunt:*  
*Almonet admittis fabula culta iocis.*  
*Malum conſilium conſultori peſſimum.*  
*Eorundem duellum.*

Virg.

**D**Ecernunt ſcirpis mus ranâque fortibus armis  
 Vtrius imperium & iura paludis erunt.  
 Quæſtio vana fuit. Hic arte, hæc robore bellum  
 Sultinet: ancipitis concio plebis erat.  
 Obſidet incautos miluus. Heu regibus æqua eſt  
 Cura ſuæ litis: nulla ſalutis erat.  
*Nulla ſalus bello eſt, pacem te poſcimus omnes.*  
*Seditioſa cohors metuat ſibi noxia tela*  
*Præripere. Hos caſus pertimiſſe decet.*

## 4. Canis tranans.

**F**ert canis inuentam carnẽ, ſol commodat umbrã,  
 Umbrãque veſtit aquas, dum canis intrat aquas.  
 Iudicat eſſe canis falſa ſub imagine veras  
 Effigies carnis, ſignãque captat aquis.  
 Ergo vndas ſine carne rapit, ſine corpore damnum  
 Corporis. Eſt Phrygiẽ mentio vera canis.  
*Eſt virtus placitis abſtinuiſſe bonis.*  
*Nec minor eſt virtus quã querere parta tueri.*

## 5. Leo.

**S**Pondent quiſque fidẽ. Prædam fore cuiſlibet equã  
 Spondet ouis, ſpondent capra iuuenca leo.  
 Mox capitur ceruus. Captum leo diuidit: vnam  
 Iure tulit, reliquum vique dolóque rapit.  
 Vis ait excellens partem deſiderat: illam  
 Dant ſocij. Et reliquum vult labor eſſe meum:  
 Dat meruiſſe labor. Noſtra eſt mox quarta: fauorẽ  
 Diſſuet



ÆSOPI FABVLÆ.

5

Diffuet addatur pars nisi quarta meum:  
Dant socij & quartâ. Frustra est contendere. Primâ  
Iure tulit: reliquum iure leonis habet.  
*Nulla fides auidis victoribus, inter iniquos*  
*Nulla fides: nullus religionis amor.*  
*Quin socii certentque pares.*

6. *Lupus & Grus.*

**V**ult lupus obstructis remoueri faucibus ossis  
Fragmenta. Obtinuit multa daturus opem.  
Nec prius obtinuit, precij quam freta rumore  
Grus venit: & rostro faucibus ossa trahit.  
Grus precium expectat: promissâq; pluribus vrget.  
Nec precium exoluit, nec bona verba lupus.  
Quippe ait esto satis rostro abstinuisse: relictum est  
Rostrum ait, estque satis vira relictâ lupus.  
*Reddere pro meritis iustus: vix soluere grates*  
*Vir solet ingratus: vix bona verba solet.*

7. *Coluber.*

**D**at colubro hospitium tectis, dat rusticus ædis  
Usuram: Hyberni contulit ignis opem.  
Ille focillatas vires dum colligit, ignes  
Concipit: acceptas concipit igne faces.  
Concipit & vires, virûsque accersit, & vsque  
Quaque rotat, donec fuste coactus abit.  
*Seruata est per me temere fera sauij in me.*  
*Vertere naturam gratia nulla potest.*  
*Tritum est perire quod facis ingrato.*

*Claud.*  
*Minos.*

8. *Aper frendens.*

**A**udet asellus aprum risu tentare procaci,  
Audet iners forti reddere (frater auc.)  
Odit inurbanos apri prudentia gestus:  
Nec passa est crassos crassa Minerua iocos.  
Ergo asino hæc frendens: nota est inscitia, spernit  
Te quisque & meritis inquit aselle tuis.  
*Quam deceat fatuos sublimibus ire theatris,*  
*Sortiri que duces fabula pulchra monet.*

*Al.*

## ÆSOPI FABVLÆ.

*Esse asinos quoscunque asinos fors improba fecit  
Sus monet. Et munus quemque tenere suum.*

### 9. Mures.

**A**ccipit vrbani murem mus rusticus. Illum  
Accipit vrbani, mensaque lauta placet.  
Laudat opes vrbis mus rusticus. Hospes vtrumque  
Territat. Insinuans clavis vtrumque fugat.  
Rodere malo fabam mus rusticus inquit, ineptus  
Vrbis amor ciues vexat ineptus amor.  
Vexat amor lucri ciues. Mihi rure beatum  
Conferat esse quies : me quoque farra beent.  
Pompa placet vrbique placent fastidia. Nobis  
Plus sapit abiecto perna vorata metu.  
Dixit : Et edoctus discrimina ruris & vrbis  
Rus redit : impexas pergit amare casas.  
*Pauperies sine labe manens tutissima vita est.  
Obruit immensas tristior usus opes.*

### 10. Aquila & Coruus.

**F**luctibus erepta coclea venit obuia coruo  
Dux aquila. Huic coruus talia dicta mouet.  
Quod petis inclusum est. Saxo testudo resulet  
Ut pateat votis quam petis esca tuis.  
Hæc coruus. aquilæ placuit solertia magni  
Latronis. Saxo coclea rupta patet.  
Furta patent. Latitans medium corniculæ piscem  
Deligit. Ipsam aquilam nil nisi testa manet.  
*Fex hominum indulgens ventri sibi vertere lucro  
Commoda sic nullo parta labore solet.*

### 11. Vulpes & Coruus.

**C**ascolum nata est cornix : vulpecula prædæ  
Esuriens, cornu prædicat eloquium.  
Prædicat & formam. Sed si canere arte placeret  
Plus ait ornaret musica vocis auem.  
Credit auis : pictæque placent præludia linguæ.  
Dum canit, indocto caseus ore fugit.  
Hoc fruitur vulpes. Succedunt murmura. Coruo  
Mitigat

## ÆSOPI FABVLÆ.

Mitigat admisto damna dolore pudor.  
*Qui sibi plus iusto tribuit plus detrahit ipse*  
*Sepe sibi : damnis ludibrijsque patet.*  
*Noli homines blandos nimium sermone probare.*

12. Leo moriens.

**A**ffixit miserum grauitas annosa leonem.  
Spreta dolent pugili parta trophæa seni.  
Coniurant proceres, sequitur plebs rustica ciuem.  
Heu solo gemitu vindicat arma leo.  
Quos vici vincunt omnes : Quibus ipse peperci  
• Nec mihi nunc parcut pro pietate nocent.  
*Hos metuat casus qui se non fuisse amico.*  
*Nec dare vult fœlix quam miser optat opem.*  
*Non bene conueniunt nec in vna sede morantur*  
*Maieſtas et amor.*

*Leta triumphantes soluat Britannia grates.*

13. Asinus gestiens.

*Affectatio.*

**M**olliter indulgens genio colit otia palpan  
Nunc lingua catulus nunc pede blandus herû.  
Commendat catulum Dominus. Cômendat asellus  
Blanditias : pedibus palpat asellus herum.  
Displicet obsequium Domino. Iuuat ordo ministrû.  
Multa domant multo verbere flagra reum.  
*Quod natura negat nemo fœliciter audeo.*  
*Tu nihil inuita facies dicēſue Minerva.*

14. Leo stertens.

**R**igida sopito blanditur silua leoni,  
Qua properat murum ludere prompta cohors.  
Plebs incauta ruit. Capitur dux : rege rogato  
Liber abit : regis munere tutus abit.  
Nec fuit ingratus : regem mus casse reuinctum  
Liberat. Hanc dentis munere præstat opem.  
*Tum cum summa potes ne despice parua potentem.*  
*Sit piger ad pœnas princeps : ad præmia velox.*

15. Miluus.

*Alan.*

**M**orbi mole iacet miluus. Matremque precatur



Vt superis pro se det sacra detque preces.  
 Mater ait : heu nate deos & sacra deorum  
 Lēxisti : recolunt impia facta Dei.  
 Criminis ultores pensant pro crimine pœnam.  
 Dum sacra turbasti pœna timenda fuit.  
 Te monuit timor esse pium : te pœna fidelem.  
 Heu timor & pietas cum nece sera venit.  
*Sic viuunt homines veluti mors nulla sequatur :*  
*Aut velut inferrum fabula vana faret.*  
*Sera nimis vita est crassina viue hodie.*

16. Hirundo.

**N**Virrit humus linum. Socijs persuadet hirundo  
 Vt rapiant auium semina sparsa malis.  
 Turba fugit iānos monitus : vanosque timores  
 Arguit. Exit humo semen & herba viret:  
 Rursus hirundo monet instare pericula : rident  
 Rursus aues. Homines placat hirundo sibi :  
 Cumque viris habitans cantu blanditur amico.  
 Nam præuisa minus lædere tela videt.  
 Nunc metitur linum : mox fiunt retia : tum vir  
 Fallit aues : tum se conscia damnat auis.

Hesiod.

Perion.

**O**Primus est sese qui nouit cuncta magistro.  
 Ad finem usque videns que semper sunt meliora.  
 Ille etiam bonus est alium qui recta monentem  
 Audit : & inuentis ponit vestigia letus.  
 At cui consilium sua nec prudentia donat :  
 Inducitque animum voces contemnere veras:  
 Hic nunquam frugi fuerit, sed inutilis orbi.

17. Rana.

**A**Mbitiosa cohors mentisque interrita ranæ  
 Sollicitare louem ne sine rege for ent.  
 Iuppiter huic voto subrisit : at ausa secundas  
 Rana preces, subitum sentit in amne sonum.  
 Nam loue dante trabem tumuerunt flumina. Mergit  
 Rana metu, regem pertimuitque suum.

Attamen

## ÆSOPI FABVLÆ.

9

Attamen hunc spernunt. Regē dat Iuppiter hydru:  
Hydruū vt hiantē gula posset obire lacum.  
Exclamant morimur: nostri sumus esca tyranni:  
Iuppiter exaudi, Iuppiter affer opem.  
Ille refert emptum longa prece ferte magistrum:  
Esto ait alterius qui suus esse nequit.  
*Seruiet æternum qui paruo nesciet vti.*

*Vive tibi & regum nomina magna fuge.*

Hor.

18. Columba.

Simplicitas.

**M**ellius bella mouet. Pulsuris bella columbis  
lungitur accipiter. Rex magis hoste nocet. *Al.*  
Incipiunt de rege queri. Quod dulcius esset  
Milui bella pari quam sine Marte mori.  
*Qui: quid ages prudenter agas & respice finem.*

19. Latro.

**D**um facit insidias cautus, dat frustula carnis  
Latro cani: frustra clamat esse canis.  
Frustra ait est frustū quod porrigis: hostibus hostis.  
Mendicis pueris hostibus hostis ero.  
Nec rapiet nox vna mihi bona mille dierum.  
Nec nos latronum turba secreta mouet.  
Ergo age discedas inquit, tua furta loquemur  
Ni facis. Egregia est visque fidesque canis.  
*Est lingua medicus dominoq; fidelis amicus.*  
*Nunquam te fallant animi sub vulpelatentes.*

Hor.

20. Sus.

**V**lt lupus vt pariat maturum succula fœtum:  
Seque noui curam spondet habere gregis.  
Sus ait hac cura careas, mihi nolo ministres:  
Obsequium fugiunt viscera nostra tuum.  
Iprocul vt tuos liceat mihi fundere fœtus:  
Iprocul obsequij est pars male grata fames.  
*Tuta frequensq; via est per amici fallere nomen.*

Ouid.

21. Terra tumor.

(tur

**T**erra tumet, tumor vsq; gemit, gemitusq; mina.  
Partum: nec modicus cœperat esse timor.

In risum tamen omnis abit quia turgida murem  
 Terra parit. locus est qui fuit ante timor.  
*Sæpe minus faciunt homines qui magna loquuntur.  
 Sæpe dedit nimios turgida causa metus.  
 Parturiunt montes nascetur ridiculus mus.*

Hor.

22. Canis rapulans.

**A**rmabat natura canem pede dente iuuenta.  
 Derogat infirmo tarda senectæ cani.  
 Vix leporem captat: fauces lupo exit inermes.  
 Illudum domini vindicat ira canem.  
 Clamitat ista canis. Mea dum bona pertulit ætas  
 Nulla meum potuit fallere præda pedem.  
 Defendat senij culpam laus ampla iuuentæ.  
 Quem iuuenem tuleris, pellere turpe senem.  
 Gratus eram dum grata tuli: nunc marcidus annis  
 Vileo. De veteri mentio nulla bono.  
*Nullus amor durat nisi fructus seruet amorem.  
 Quilibet est tanti munera quanta parit.  
 Turpe quidem dictu est, sed si modo vera fitemur:  
 Vulgus amicitias utilitate probat.*

Ouid.

23. Lepores.

**S**ilua tonat, fugiunt lepores: Palus obuia cursus  
 Impedit. Obuallant ante retroque metus.  
 Dum vibrant in mente moras, se mergere ranas  
 Ut fugiant strepitus in sua stagna vident.  
 Corporis est leuitas, est mentis inertia nobis  
 Dux ait. Et vano rana timore latet.  
 Spem decet amplecti. Causa est neq; iusta timoris  
 Ipse facit metui non metuenda metus.

Al.

Hor.

*Sic metuat quicumque timet ne mole timoris  
 Spe careat, grauius est hac fugiente timor.  
 Rebus angustus animosus atque fortis appare.  
 Sæuenter idem contrahis vento nimium secundo  
 Turgida vela.*

24. Lupus caprisans.

Al.

**C**apra cibum quærens hædum commendat ouili.  
 Admonet



Admonet immota seruet ouile sera.  
 Dumque abit ipse lupo mouet ostia voce caprina:  
 Postulat ut pateant ostia clausa matri.  
 Quin fugis hædus ait; Caprizas gutture falso.

Rimula qua video te monet esse lupo.  
*Inrita natorum cordi doctrina parentum*  
*Hos inuat, his iterum spreta nocere solet.*

25. *Cervus litigans.*

Cervus oui præsentem lupo sic litigat. Emptum  
 Vas tritici debes: Redde age mox precium.  
 Affirmat vera esse lupo. Ovis ipsa fatetur:  
 Atque die pacto debita spondet ei.  
 Tempus adest. Redeunt cervus vult debita solui.  
 Clamat ovis. Pereunt fœdera pacta metu.  
 Nos decuit præsentem lupo quæcunque fateri.  
 Nec scelus est fraudem pelleret fraude pari.

*Dum furor in cursu est currenti cede furori.*  
*Virtus quid in hoste requiris andolus?*

26. *Anguis.*

Rustica mensa diu susceptum pauerat anguem.  
 Gaudet & humanam vermis adorat opem.  
 Gratia longa fuit. Vapulat mox anguis. Egenus  
 Factus homo veniam postulat, anguis ait.  
 Nunquam ero securus cum sit tibi tanta securis.  
 Nec iuuat infido rursus habere fidem.  
 Sed quod te piguit sceleris tua facta remitto.  
 Nec rediisse placet, plus sapuisse decet.

*Qui primo nocuit vult posse nocere secundo.*

27. *Vulpes lacescens.*

Vulpe vocante venit speratque ciconia cœnam.  
 Decipitur tenues vulpe vorante dapes.  
 Post aliquot delusa dies avis inquit habemus  
 Quæ placeant vulpi fercula. Dicta placent.  
 Grus noua mox vitreo sic iuscula vase recondit  
 Ut capiat solam formula vasis auem.  
 Laudat opes oculis pellucida vasis imago.

L

Ovid.  
Virg.

Al.

Forma negat: geminant visus odorque famem.  
 Scilicet hac vulpes deluditur arte. Parique  
 Par factum est. Technis luditur vsa suis.  
*Fallere fallentem non est fraus.*

28. *Lupus contemplans.*

**D**Vm sculptoris opes lustrat, videt arte superbum  
 Humanum caput, id versat agitque lupus.  
 Scilicet egregios vultus capitique decores,  
 Sed sine luce caput, sed sine voce genas.  
 Veraque doxa lupi est, animi caligo nitores  
 Corporis obscurat: vera sophia lupi est.  
*Nam si animo virtus si vera historia vanus  
 Absit imaginibus: formaque nuda rei est:  
 Umbra iocusque rei est. Animi plus forma nitore est  
 Corporis. Est animi totus in orbe nitore.  
 Vivibus hic præstat. Hic pollet acumine mentis.*

29. *Graculus.**Alan.*

**G**Raculus inuento nitidi pavonis amictu  
 Se polit. Et socias ferre superbit aues.  
 Non vult esse pares quas fert natura priores.  
 Pavonum generi plus petit esse comes.  
 Pauo dolum sentit. Falsi pavonis honores  
 Increpat. Et domitam verberare nudat auem.  
 Nuda later: sociasque fugit. Nihil addere furtis,  
 Nec velle alterius fabula damna monet.

*Hor.*

*Ne si forte suas repetitum venerit olim  
 Grex avium primus: moveat corniculæ risum  
 Furtivus nudata coloribus.*

30. *Musca.*

**M**Vsca mouens lites formicam voce lacessit:  
 Ornans se titulis turpitar ipsa suis.  
 Discito sed modico quid sit producere vitam:  
 Discito pace frui, discito sorte frui.

*Nos*

Nos labor exercet, vos nutrit inertia, nobis  
 Grana placent vobis luxus & vmbra nocent.  
 Quippe ait vt vetitum est cœlo volitare sereno:  
 Vel nece conficeris: vel sine fruge lates.  
 Obijcit hæc illi formica. Ea lite peracta  
 Destitit: in spumas conditur ista suas.  
*Turpia sunt turpi: sobrio sunt sobria verba*  
*Digna magis.*  
*Dum atatis ver agitur consule Bruma.*

31. *Rana.*

**Æ**Quari vult rana boui: tumet ergo tument.  
 Carpitur: & nimij probra tumoris habet.  
 Attamen in ventris molem distenditur illa  
 Dum crepet. Imprudens præmia luxus habet.  
*Metiri se quemque decet: propriūsq; teneri*  
*Finibus.*

32. *Leo medicus.*

**I**ncepat medicis adscribi patribus: æuo  
 Iam grauis incepat vincere fraude leo.  
 Sentit equus fraudes: sentemque euellere poscit.  
 Infilit in frontem calce leonis equus.  
*Sic iterum: sic sæpe cadunt: vbi fallere aperte*  
*Non datur: insidias teclaque tela parant.*  
*Curet seipsum medicus.*

33. *Sonipes.*

(rupto

**G**estit equus phaleris. Videt hunc mox inguine  
 Vincitum asinus misero colla superba iugo.  
 Dic sonipes inquit vbi sella, vbi nobile frænum?  
 Hæc tibi cur macies, quæ perit ille nitor?  
 Rettulit iste nihil asino iuga dura trahenti.  
 Proximat immodicus præmia gestus habet.  
*Quisquis ad eximios letus conscendit honores*  
*Su humilis. Variat quolibet hora vires.*



34. *Vespertilio.*

**Q**uadrupes certant auibus. Victoria nuntat  
 Nunc huc nunc illuc, spēsque metusque viget.  
 Linquit aues quæ sumpsit auis de vespere nomen :  
 Et cupit oppositi castra subire gregis.  
 Degeneres animos timor arguit. Agmine primo  
 Dux aquila est. Trepidant castra inimica metu.  
 Vincit auis. Spoliata redit mox transfuga pennis,  
 Edictumque refert ne nisi nocte volet.  
*Non bonus est ciuis qui praefert ciuibus hostem.*

35. *Vulpes transfuga.*

**D**icat præda lupum. Vulpes contemnitur. Hostes  
 Conuocat, & pecudum prouocat illa duces.  
 Occidit ipsa suis vulpecula fraudibus. Hostis  
 Opprimitur. Pœnam post luit ipsa parem.  
 Iustaque fata tulit. Neque enim lex equior vlla est  
 Quam necis artifices arte perire sua.  
*Inuidia Siculi non inuenere tyranni  
 Tormentum maius.*

36. *Cervus.*

**F**ons erat argento similis. Sitis arida ceruum  
 Huc rapit. Haurit aquas, mox speculatur aquas.  
 Ut satis aridet ramosæ gloria frontis.  
 Sic minus atque minus tibia macra placet.  
 Cornua mox damnat, obstant ea fronde reuineta  
 Ne valeant morsus fallere crura canum.  
*O formose puer nimium ne crede colori.*

37. *Vipera.**Alan.*

**V**ipera fabriles dapis indiga reptat in ædes  
 Incipit hæc limam rodere. Lima loqui.  
 Nescis inepta meas vires mea robora nescis.  
 Dente meo pateris non ego dente tuo.  
 Ferrea mordaci castigo tubera pressu.  
 Aspera plano, seco dura, foranda foro.  
 Deliras igitur cum dente minaris inermi.  
*Maiori discat subditus esse minor.*

38. *Fædera.*

38. *Fœdera.*

**P**ost varios martes ouibus sua pignora natos  
 Dat lupus. Has itidem deseruere canes.  
 Addit ouis sine fraude canes, recipitque luporum  
 Pignora pro canibus nec sua damna videt.  
 Nam natura iubet natos vlulare relictos  
 Matribus. In simulans fœdera rupta lupus  
 Szuijt in pecudem. Canibus fraudata ministris  
 Plebs ouium abiecto fœdera Marte luit.  
*Nil temerè aggreditor.*

39. *Silua Cadua.*

**R**usticus vt liceat capulo formare securim  
 Postulat à siluis robora. Silua dabat.  
 Attramen ipsa suis cum decidit ictibus ipsam  
 Se damnat: donis nam iacet vsa suis.

*Σαφὴς ἀμείλιας ἡ δὲ τοῦ ἄνθρωπου ἡγεῖα.*

40. *Membra.*

**O**bjiciunt auido manus & pes otia ventri:  
 Subscribunt membris cætera membra suis.  
 Spernuntur ventris partes. Mox venter inanis  
 Orat opem frustra: pesque manusque negant.  
 Pesq; manúsq; iacent: ventrem quia pèsq; manúsq;  
 Despiciunt: pariter pèsque manúsque cadunt.  
*Membra sumus ciues. Mutuum conferre fauorem  
 Nos decet. Et socium quemque iuuare suum.  
 Nemo sibi satis est.*

41. *Simia.*

**S**imia de nuda queritur nate. Candida vulpes  
 Detur ait caudæ portio parua tuæ.  
 Respondit vulpes. Nec erit tibi causa decoris:  
 Nec reget immundas res ita munda nates.  
*Hæu quoties inopes vexant opprobria gentis  
 Caudata? & nimis est & minus esse putat.*

42. *Cerua.*

**O**ccupat arua canis. Fugiens hunc cerua bouina  
 Claustra subit: vos me condite bobus ait.

Bos cumulat fœnum. Præsepe reuisit arator,  
Et redit imprudens. Ipsemet hospes adest.  
Inuenit hic ceruam. Laniat. fugit illa caninos  
Insultus: hominis fallere tela nequit.

*Exulis est mutare locum. Vigilare potentis.*

*Stertere seruorum. Velle inuare boni.*

43. *Leo Febriens.*

**A**ccersit medicos summosque in febre magistros  
Accersit: simulans pharmaca velle leo.  
Abstinit vulpes, pecudum vestigia cernit  
Nulla retro, aduersum tendere multa videt.

*Istam sic attigit Hor.*

Olim quod vulpes agroto cauta leoni  
Respondit, referam: quia me vestigia terrent  
Omnia te aduersum spectantia nulla retrorsum.

44. *Vulpecula.*

*Hor.*

**F**orte per angustam tenuis vulpecula rimam  
Repserat in camaram frumenti, pastaque rursus  
Ire foras pleno tendebat corpore frustra,  
Cui mustela procul, si vis ait effugere istinc,  
Macra cauum repetas arctum quem macra subisti.

*Cernus & Equus.*

*Hor.*

**C**eruus equum pugnamelior communibus aruis  
Pellebat, donec minor in certamine longo  
Implorauit opes hominis, frenumque recepit.  
Sed postquam violens victor discessit ab hoste,  
Non equitem dorso non frenum reppulit ore.  
Sic qui pauperiem veritus potiore metallis  
Libertate caret: Dominum vehet improbus atque  
Seruiet æternum qui paruo nesciet uti.

*Fabula grata iocis, magnis committere parua  
Progreditur. Vatis mos fuit iste Phrygi.*

FINIS.



